



Akhbaarta Dhallinyarada Muhaajiriinta ah

Information for Immigrant Youth

Xaqa aad u leedahay waxbarashada

Minnesota waa ku khasab in ay siiso waxbarasho bilaash ah DHAMMAAN carruurta gobolka ku nool. Iskoolka waad aadi kartaa xataa haddii aadan lahayn sharciga socdaalka.

- Carruurta jirta 7-16 waa in ay aadaan iskool
- Dhallinta jirta 17 waa in ay aadaan iskool haddaysan si rasmi ah uga bixin
- Kuwa baranaya afka ingiriisku xuquuqo bay leeyihiin. Eeg warqaddayada xogta aruursan ee [Bartaha Afka Ingiriiska: Xaquuqdaada ah Helida Tacliin Sinaan ah.](#)

Sidee baan u ogaan karaa xaaladdayda sharciga socdaalka?

- **Ma taqaan lambarkaaga ajnabiga (alien number)?** Sidoo kale waxaa la yiraa lambarka "A", waa lambar 8 ama 9-tiro ah oo ka bilowda "A." waxa uuna ku qoran yahay intooda badan warqadahaaga sharciga. Haddii aad taqaan, ka wac adeega macmilka ee laanta socdaalka khadka ah 1-800-375-5283 ka dibna waydii waxa ay martabaadda sharci ay tahay.



Haddii uusan kiiskaagu ku jirin kiisaska maxkamada laanta socdaalka, wali waa aad wici kartaa khadka ah 1-800-898-7180. Khadkani waa khad iskii u shaqeeya, waxa aad gelin lambarkaaga "A" waxa uuna ku siin akhbaar ah martabada kiiskaaga ee laanta socdaalka.

- **Haddii aadan haysan lambarka ajnabiga (alien number),** waxa aad xareysan kartaa waxa la yiraa **Codsiga Sharciga Xoreynta Akhbaarta [Freedom of Information Act Request FOIA]**. Foomka G-639 (Form G-639). Waa lacag la'aan. [Waxa aad ku buuxin kartaa kuna xareyn kartaa fooma khadka](#) (ingiriisi kaliya). Taasi waa jidka ugu fudud ee lagu helo akhbaartaada. Gal barta www.uscis.gov/ riixna foomka "(Forms)" ka dibna riix "(All Forms)". Hoos u wad liiska foomamka ilaa aad ka gaarayso "(G-639)." Waxaad kaloo wici kartaa lambarka adeega macmilka ee laanta socdaalka ee kor ku xusan si aad u hesho foom warqad ah. Buuxi ka dib boostada dhig. Labo bilood gudahood, waxa aad ku heli faylkaaga kumbuyuutarka ah ee leh nuquladda la iskaan-gareeyey (scanned) ee taariikhdaada laanta socdaalka (immigration). **Haddii aadan waligaa la xiriirin askarta laanta socdaalka ama aadan codsan sharciyadda ay bixiso laanta socdaalku,** waxaa dhici karta inaad wax natiijo ah ku helin codsiga FOIA waayo ma aad lehid wax sharci ah oo laanta socdaalku (immigration) ay bixiso.

- Waxaad kaloo isku dayi kartaa inaad sameysato balan InfoPass ah si aad ula hadasho qof. laakiin waa ay adkaan kartaa in akhbaar sidaa lagu helo. Ka hel akhbaar barta ah: <https://my.uscis.gov/en/appointment/v2>.

DIGNIIN: Ha la xiriirin adeega macmilka ee laanta socdaalka (immigration) si aad u waydiiso su'aalo hana ka qabsan balan ah Akhbaar Siin (InfoPass) haddii aadan sharci lahayn, aad haysato amar ka dambays ah oo wadanka ka saarid ah, ama aad is leedahay waxaa lagu gelin karaa jidka ka saarida wadanka.

- In aad muwaadin Maraykan (U.S.) tahay baa dhici karta:
 - Haddii mid ama labadaada waalid uu ahaa muwaadin markii aad dhalatay, ama
 - Haddii aad ka yarayd 18, haysatay kaarka degganaanta joogtada ah (green card), oo aad la noolayd waalid muwaadin ah,
 waxaa dhici karta in aad si toos ah muwaadinnimo ku heshay.


La hadal qareenka arrimaha socdaalka haddii aad u malaynaysid in aad tahay muwaadin. Qareenku wuxuu kaa caawini karaa ogaanshaha in aad muwaadin tahay asagoo kaa caawinaya helitaanka caddayn muwaadinnimadaada ah. Eeg warqaddayada xogta aruursan ee [Dhalashada Muwaadinimada Mareykanka \(U.S.\) Cadeynta Muwaadinimada Ilmahaaga](#).

Sidee u ilaashadaa dukumintigayga?

Haddii aad u malaynaysid in waalid ama qof kale uu kuu haynayo dikumintigaaga, ka samayso koobbiyaal oo waydiiso inuu koobiyadaas kuu hayo qof weyn oo la aammini karo oo iskoolkaaga ama bulshada ka tirsan. Waxaad kale oo dikumintiga ku daabici kartaa fayl kobiyuutar oo galisid iimeelkaaga ama kaydiyaha kalawdka (cloud) wax lagu kaydiyo sida "OneDrive", "Dropbox", "Google Drive" iyo "Box."

Warqado sharci ma lihi, dugsi sarena waan ka qalinjabinayaa dhowaan. Ma dalban karaa muwaadinnimo

- Kaliya Dadka deganaanshaha sharciga ah (green card) ayaa codsan kara muwaadinnimo.
- Qofku wuu qaadan karaa kaarka degganaanta joogtada ah haddii qaraabo dhow sida waalid ama walaalkiis ay u xereeyaan dalab dalkugal. Qofka qaraabada ah oo xeraynayaa waa in uu yahay muwaadin Maraykan ama haystaa kaarka degganaanshaha joogtada ah. Sanooyin bay qaadan kartaa, ayadoo ku xiran qaraabannimada, mase jiro sugitaan ama sugitaanku aad buu u gaaban yahay haddii qofka xeraynayaa yahay muwaadin Maraykan ah.
- Haddii aad leedahay ehelo dhow oo diyaar u ah in ay kuu xereeyaan dalab, kala hadal qareen habraaca la maro.



- Haddii aad qof ilmihis tahay, (ama xaas ama waalid), kaasoo ah muwaadin Maraykan ama haysta sharciga degganaanshaha oo kuu gaysta waxyeello caqliga ama jirka ah, waxaad iskaa u dalban kartaa kaarka degganaanshaha joogtada ah adigoo adeegsanaya sharciga loo yaqaan Sharciga la Dagaalanka Waxyeelida Haweenka (VAWA). Waxa aad dalban kartaa sharciga deganaansho ah adigoo ka bixin Mareykanka (U.S.) Waxa aad u baahan tahay qareen inaad u hesho hawshan.

Ma haysto qof ehelo dhow ah oo ah degganaade joogto ah ama muwaadin Maraykan. Ma jiraan waddooyin kale oo aan ku heli karo kaarka degganaanshaha?

- Haddii adiga ama qof ka mid ah qoyskaaga dhow uu ahaa dhibbane dambi weyn lagu sameeyey, waxaa suurto wada in aad dalban kartid dalkugalka loo yaqaan fiisaha U. Fiisaha U wuxuu kuu suurto gelinayaa in aad joogtid Maraykanka, Si sharci ah u shaqaysid, oo aakhirkana aad dalbatid degganaansho joogto ah. Adiga ama dhibbanaha midkiin waa in uu gacan ka gaystaa baaritaanka ama maxkamadaynta danbigaas. La hadal qareen oo eeg warqaddayada xogta aruursan ee [Dhibayaasha Dambiyada iyo “Fiisaha U”](#).
- Haddii waalidka midkood ama labaduba ay ku waxyeelleeyeen, ku dayaceen, ama ay kaa dhaqaaqeen, waxaa laga yaabaa in aad dooran kartid xaaladda gaarka ah ee soogalootiga da’yarta ah. Tan waxaa loogu talo galay carruurta ku jirta haynta ku meelgaarka ah (foster care) ama ka qayb ahaa kiis la xiriira hayntooda ama daryeelkooda ee maxkamadda gobolka. Tan heliddeeda macnaheedu waa in aad helaysid kaarka deganaanshaha joogtada ah oo 5 sano ka dibna dalban kartid in aad muwaadin noqotid. Laakiin waligaa sharci uma dalbi kartid waalidkaa. La hadal qareen.



Eeg warqadayada xogta aruursan ah ee [Sharciga Gaarka ah ee Kurayda Muhaajiriinta ah \(SIJS\) “Kurayda Khatarta ku Sugan”](#)

- Waxaa kale oo aad ku qaadan kartaa kaarka degganaanshaha joogtada ah haddii uu korintaada (adoption) qaato qof ah muwaadin Maraykan inta aadan gaarin 16. Haddii isla qoyskaasi ay horay u korsadeen walaalka ama walaashaa, waxaad ahaan kartaa 18. Waa in aad la nooshahay kuwa korsiga waalid kuugu noqday 2 sano oo waa in ay ku hayaan labo sano oo ka horreysa ama ka dambaysa la wareegga korriimadaada. Haddii la helo shuruudahaas, kuwa waalidka kuugu noqday korintu waxay kuu dalbi karaan in aad noqotid degganaade joogto ah.

- Haddii aadan doonayn inaad ku noqoto wadankii aad u dhalatay iyadoo sababtu tahay waxa aad ka baqi cadaadis, waxaa dhici karta inaad xaq u yeelato magangelyo siyaasadeed. Cadaadisku waa si xun ula dhaqan joogta ah iyadoo sababtu tahay, jinsiyad, diin, wadan laga soo jeedo, koox bulsho, ama fakar siyaasadeed. Qofkii laga siiyo magangelyo siyaasadeed wadanka U.S. waa uu joogi karaa Mareykanka (U.S.) si rasmi ah.

Helitaanka isdhiibiddu waa wax lagu gaari karo helitaanka kaarka degganaanshaha joogtada ah. Haddii aad ka wentahay 18 ama aad la soo gashay ilaaliye (guardian) waa in aad faylka buuxsatid sanad gudihiis laga bilaabayo maalintaad soo gashay Maraykanka.

Wac u Doodayaasha Xuquuqda Aadanaha (612)341-9845 ama ugu dir iimeel halkaan hrights@advrights.org

Maxay yihiin dambiyada da'yarta ama ficillada kale oo dhaawici kara fursaddayda aan ku heli karo degganaanshaha joogtada ah?

Haddii aad mustaqbalka rajaynaysid in aad qaadatid kaarka degganaanshaha joogtada ah, waxyaalahaan ayaa dhaawici kara fursaddaada aad ku noqonaysid degganaade ama muwaadin.

- Tahriibinta daroogada (gadidda daroogada, ama u haysashada in aad gaddid)
- Isticmaalka ama qabatinka daroogada
- Xaalad jirka ah ama dhimirka oo kaa dhigaysa in aad khatar ku tahay naftaada ama kuwa kale
- Jabinka xukunka qof lagaa ilaalinayo ama jabinta amar in aadan la xiriirin qof "no-contact"
- Dhillaysi
- Tahriibinta dad soo gala Maraykanka
- Been sheegid lagu doonayo helitaanka muwaadinnimada Maraykanka
- Codeynta adigoo muwaadin ahayn
- Guursasho ujeeddadeedu tahay sharciga socdaalka
- La saaxiibidda ama ku biiridda kooxo taageersan colaad
- Xubin ka noqoshada burcadda (gangs) ama inboolisku kugu shaabbadeeyo in aad xubin ka tahay burcad



Qaar ma mid ah dambiyadda da' yarta waxaa dhici karta inay dhib u keenaan kiisaska qofka ee laanta socdaalka (immigration). Tusaale, haddii dambi laguugu xukumdo sidii qof weyn adigoo ka yar 18, xukunkaasi wuxuu sharciga socdaalka ku leeyahay cawaaqib la mid ah sidii adigoo 18 ka weyn. Markaad gaartid 18, danbiyadii lagugu xukumay waxay adkayn karaan in aad noqotid degganaade joogto ah ama muwaadin. Dawladda Maraykanku waxa KALE oo ay ku galin kartaa dacwadaha tarxiilka. Xataa haddii diiwaanadaadda dambiyadda da' yarta wixii ku jira ee faldambiyeed ah la masaxo, waxaa laga yaabaa inaad wali u baahato inaad u sheegto dawladda Mareykanka (U.S.) kuwaa kolkaa aad codsato sharci degganaansho rasmi ah ama muwaadinimo. Haddii aad leedahay rikoor ah dambiyada da'yarta ama kan dadka waaweyn, la hadal qareen.

Warqado sharci ma lihi, walina waxaan ku jiraa dugsi sare, waalidkayna lama nooli. Wax mucaawino dawladeed ah ma heli karaa?

- Intooda badan dadka aan sharciga lahayni ma qaadan karaan manfacyadda dowladdu bixiso. Laakiin ururo aan dowli ahayni ama kuwa kale ayaa siin kara manfacyo ciddii ay rabaan.

BUT there is a state healthcare program called MinnesotaCare. Starting this year, MinnesotaCare is now available to people no matter what their immigration status is. If your income is below the income limit and you don't have access to other health insurance, you can enroll in MinnesotaCare. Eeg warqadayada xogta aruursan ee [What is MinnesotaCare and Am I Eligible?](#) (ingiriisi kaliya)

Ogow: Wixii akhbaar ah ee aad ku bixiso codsigaaga kaarka caafimaad waa xog xafidan oo ay ilaaliyaan sharciyo gobolka iyo dowladda dhexe ay leedahay. Lalamana wadaagi karo cid kale ama hay'addo la'aanta ogolaanshahaaga oo qoraal ah.

- Also, Haddii aad ku jirtid xaalad caafimaad oo deg-deg ah ama aad uur leedahay, waxaad heli kartaa waxa loo yaqaan Kaalmo Xaalad Caafimaad oo Deg-deg ah (Emergency Medical Assistance). Aad xafiiska adeegyada aadanaha ee degmadaada. Eeg warqaddayada xogta aruursan ee [Daryeelka Caafimaadka Degdeqga ah](#).
- Waxaad aadi kartaa meelaha cuntada laga qaato oo aan dawladdu lahayn iyo gabaadyada dadka hoy la'aanta ah ee gaarka loo leeyahay.
- Eeg warqaddayada xogta aruursan ee [Manfacyada Dowladda ee Dhalinyarada](#).

Wax oo aad u baahan tahay in aad ogaatid adigoo markii aad tahay dhallin aan haysan warqado sharci

1. Haddii mas'uul laanta socdaalku (immigration) isku daydo in ay kula hadlaan,
 - Ha saxiixin wax warqado ah hana la hadlin ilaa aad qareen la hadashid
 - Haddii aad magacaaga siinaysid, ha isticmaalin magac been ah ama dikuminti been ah.
 - Laanta socdaalku haddaysan haysanin barwada baaritaanka uu saxiixo xaakim, kuma khasbanid in aad albaabka ka jawaabtid.
 - Haddii aadan tegin garnaqsiga maxkamadda socdaalka, kullayba waxay soo saarayaan amar in lagu tarxiilo ah.
2. Sharciga marna ha jabin oo is dhowr.
 - In Meelaha qaarkood boolisku waxay la xiriirayaan laanta socdaalka kolka lagu soo xiro

- Meelo kalena booliska la xiriiri mayaana
- haddiise aad gashid dambi, waxay adkaynaysaa in aad sharci heshid mustaqbalka.
- Haddi lagu xiro ama lagu geeyo xabsi, laanta socdaalku waxay ku gelin karaan hayn si ay u ogaadaan in aad dalka sharci darro ku joogtid oo iskuna dayi karaan in ay ku tarxiilaan.
- Gaari ha kaxaysan adigoo aan lahayn leysin ansax ah iyo caymiska baabuurta



3. Qareenkaaga u sheeg xaaladdaada sharci

- Haddii dambi lagugu soo eedeeyo, hubi in qareenka ku difaacayaa uu ogyahay xaaladdaada sharci
- Hubi in aad ogaatid waxa ay u gaysan karto xaaladdaada sharci wax walba oo aad dooratid oo la xiriira maxkamadda dambiyada. Wax yaalaha qaar ayaa maxkamadda dambiyadu aysan ka soo qaadin xukun dambi, laakiin laga soo qaadaa xukun dambi marka la eego xagga laanta socdaalka.

4. Ka bixidda Maraykanku wuxuu keeni karaa xaalado adag oo ah xagga laanta socodka

- La hadal qareenka laanta socodka ku takhasusay inta aadan ka bixin Maraykanka.

5. Xeree oo bixi canshuurta adigoo adeegsanaya ITIN (Individual Tax Identification Number).

- Tani waxay kobcin kartaa fursaddaada aad ku helaysid sharci mustaqbalka
- Ha isticmaalin nambor sooshaal secuuriti (social security) oo been ah markaad canshuurta xereynaysid.
- Ha samayn khayaano canshuur xereynta, adigoo sheeganaya carruur aan kula noolayn ama canshuur-dhaaf aadann xaq u lahayn.

6. Wac booliska haddi aad tahay dhibbane dambi.

- U Fiisaha U (U visas) waxaa la siiyaa dhibanayaasha loo geysto noocyo gaar ah oo dambiyadda culus ah. Eeg warqaddayada [Dhibayaasha Dambiyada iyo "Fiisaha U"](#) si aad wax uga ogaato.

7. Haddaad ilmo dhashid kaa caawini mayso helidda sharciga.

- Ilmuhu waxa kali ah oo ay dalab sharci u xereyn karaan waalidkood markuu ilmuhu gaaro 21 sano jir.

8. Waligaa ha dhihin waxaan ahay muwaadin Maraykan ah haddii aadan ahayn muwaadin Maraykan ah!

- Tani waxay dhaawici kartaa fursado aad ku heli lahayd kaarka degganaanshaha.
- Taas waa lagugu tarxiili karaa
- Waligaa ha isticmaalin dikumintiga qof muwaadin Maraykan ah, oo ay ku jiraan dikumintiga Boorto Riikaan (Puerto Rican)
- Ha isku qorin codayn hana ka codayn doorasho la iska rabo muwaadinnimada Maraykanka.

9. Ha codayn hana isku qorin codayn
- Taas waa lagugu tarxiili kar
10. Hayso dikumintiga magacaagu ku qoran yahay sida biilasha ama risiidyada.
- Mustaqbalka inaad u baahatid baa dhici karta si aad u caddaysid in aad Maraykanka joogtay taariikh go'an ama xilli mucayin ah.

11. You can get a driver's license. Immigration status doesn't matter. Your license won't have any markings about citizenship or immigration status. See our fact sheet, [How to Apply for Your Minnesota Driver's License \(Driver's Licenses for All\)](#).



Xeerarka laanta socdaalku (Immigration) si joogta ah ayey isu-bed-bedalayaan mar walba. La tasho qareen si aad u hesho talo dhanka sharciga ah oo u gaar ah xaaladaadda.

Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddi ay 1 sano ka soo wareegtay xilligii la daabacay. Weydiiso xogtii ugu dambaysay, liiska xogta urursan, ama aad ku hesho habab kale.

© 2026 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuqul kasta oo la sii daabaco. Dib u daabicidda, sii qeybinta, iyo in loo isticmaalo hab ganacsi ah waa mid si adag loo mamnuucay.